



SAKSPAPIR

Saksnr	Utval	Type	Dato
36/2021	Kommunestyret	PS	27.04.2021
45/2021	Kommunestyret	PS	04.05.2021

Sakshandsamar	Arkiv	ArkivsakID
Lin Tove Thomassen	FE-033	21/443

INTERPELLASJON TIL KOMMUNESTYRET - COVID 19 BONUS/GÅVE TIL TILSETTE I VAKSDAL KOMMUNE

Endringsframlegg frå Ap, lagt inn i møteportalen av Ole-Anders Brekklus, Ap.

Vaksdal kommune styrkar tilbodet for born og unges psykiske helse ved å setje inn naudsynte tiltak på helsestasjonen. Budsjettet til Helsestasjonen vert styrka med kr. 450.000 for 2021.

Kommunestyret - Sak 36/2021

KOM - Behandling:

Møtet vart avslutta då Microsoft fekk utfordringar med oppkopling mot plattform for fjernmøte og saka vart utsett.

KOM - Tilråding/Vedtak:

Kommunestyret - Sak 45/2021

KOM - Behandling:

Interpellanten fekk ordet først for å fremja interpellasjonen.

Ordførar gav slikt svar:

Frå applaus til synleg takk – eit gåvekort til alle tilsette

I over eit år har Vaksdal kommune, til liks med alle andre kommunar, vore i koronadrift. Det inneber at ein vesentlig del av arbeidstida til våre tilsette på alle nivå går med til å planlegge oppgåver i høve reglar og anbefalingar, tilrettelegge for smittevern og utføre arbeidet sitt på ein måte som ivaretar smittevern og alle som brukar dei ulike tenestene våre. Dette har krevd fleksibilitet og tålmod frå samtlege tilsette og dei har strekt seg langt, lengre enn nokon ville forventa før mars 2020.

Organisasjonen har utvikla seg, og på enkelt område tatt sjumilssteg for å tilpasse seg pandemien.

Interpellanten løfter ei god sak som det er lett å seia «ja» til. Dei tilsette fortener all mogeleg takk, på alle vis. At kommunen lar ein del av overskotet frå «koronaåret» 2020 komme sine egne tilsette til gode er ein fin gest som ordførar støttar. I forslaget ligg det inne ein førestnad om å handle lokalt. Slik vil pengane komme det lokale næringslivet vårt til gode, og effekten vil bli dobla.

Det som er krevjande med denne saka er å treffa godt nok dei som faktisk har arbeidd for kommunen i koronatida. I tillegg til fast tilsette har me arbeidstakarar i vikariat. Eg foreslår difor at dei som per 27.04.21 er i samanhengande vikariat med 3 mnd varighet eller meir vert inkludert i ordninga.

Til den praktiske gjennomføring, har administrasjonen følgjande innspel:

Etter vurdering av ulike måtar å løyse utbetalinga på konkluderer administrasjonen med at den ordninga som treff best er refusjon av kjøp. Kvar tilsett vil kunne gjera innkjøp inntil kr. 1000,- som dei kan kreve refundert av Vaksdal kommune (det gjer ikkje noko om summen på kvitteringa er høgare enn kr. 1000,-). Berre kvittering for varer handla lokalt vil bli refundert. Denne løysinga er etter ei totalvurdering sett som den beste. Vidare vil det vera tenleg at fristen for å nytte ordninga vert sett tidleg nok til å sikre at refusjonane vert behandla innafor rekneskap for 2021.

Ordførar sitt framlegg til vedtak:

Kommunestyret ber administrasjonen gjere klart ei ordning der alle fast tilsette i Vaksdal kommune får innkjøp for kr. 1000,- refundert av kommunen. Alle som er i samanhengande vikariat med 3 mnd. varighet eller meir per. 27.04.21 er også inkludert i ordninga.

Det er kun kvittering for innkjøp gjort i Vaksdal kommune som vert refundert.

Tilsette må nytta seg av ordninga mellom 15.06.2021 og 15.11.2021

Ordninga vert finansiert med overskot på årsrekneskapen frå 2020.

Administrasjonen skal sikre god informasjon ut til alle tilsette om ordninga, vilkåra og praktisk gjennomføring.

Interpellanten fekk så ordet, før det vart opna for generell debatt.

Endringsframlegg frå Ole-Anders Brekkhus, AP:

Vaksdal kommune styrkar tilbodet for born og unges psykiske helse ved å setje inn naudsynnte tiltak på helsestasjonen. Budsjettet til Helsestasjonen vert styrka med kr. 450.000 for 2021.

Røysting:

Framlegget frå Edvin Hesjedal som ligg i interpellasjonen vart trekt.

Ordførar sitt framlegg til vedtak vart sett opp mot Ole-Anders Brekkhus sitt framlegg - Ordførar sitt framlegg fekk 15 røyster (SP, SV, H, FRP, KRF), Ole-Anders Brekkhus sitt framlegg fekk 6 røyster (AP) og fall

KOM - Tilråding/Vedtak:

Kommunestyret ber administrasjonen gjere klart ei ordning der alle fast tilsette i Vaksdal kommune får innkjøp for kr. 1000,- refundert av kommunen. Alle som er i samanhengande vikariat med 3 mnd. varighet eller meir per. 27.04.21 er også inkludert i ordninga.

Det er kun kvittering for innkjøp gjort i Vaksdal kommune som vert refundert.

Tilsette må nytta seg av ordninga mellom 15.06.2021 og 15.11.2021

Ordninga vert finansiert med overskot på årsrekneskapen frå 2020.

Administrasjonen skal sikre god informasjon ut til alle tilsette om ordninga, vilkåra og praktisk gjennomføring.

Frå Edvin Hesjedal, Høgre, ligg det føre slik interpellasjon:

Frå applaus til synleg takk - eit gåvekort til alle fast tilsette!

Covid 19 har gjort arbeidsdagane tøffare for mange, også i stor grad for tilsette i Vaksdal Kommune.

Strenge nasjonale karantenereglar har medført til tider høgt fråver som igjen har auka presset på dei på jobb. Arbeidsoppgåvene har endra seg fort, og fleire har jobba direkte mot smitta og berørte.

Planlegginga har vore vanskeleg og dagane lite forutsigbare, mange har truleg tøydd strikken for å ta eit ekstra tak. Kommunedirektøren var i kommunestyret i februar uroa over dei tilsette, og presset som har vore på dei over tid i høve pandemien og meirarbeid.

På direkte oppmoding frå ein innbyggjar i Vaksdal meiner eg difor dette er ein symbolsk viktig interpellasjon – han “hytta” mest med neven: “No må de poltikarar ta tak og visa handelkraft og takk”

Vaksdal Kommune har 436 fast tilsette fordelt på 327,8 årsverk. Nokre har mindre enn 20% fast stilling, og opp til 100%, som dei aller fleste heldigvis har. Mange av dei med små faste stillingar er likevel ofte brukte vikarar.

Me foreslår difor å gje eit gåvekort på kroner 1000, - til alle fast tilsette, uavhengig av stillingsbrøk, som ein ekstra takk til alle tilsette i Vaksdal Kommune.

Gåvekortet er tenkt som eit elektronisk gåvekort som kan nyttast i alle butikkar, og ved alle servering- og servicestader i Vaksdal Kommune.

Det gjev dobbel gevinst med takk til alle tilsette og ein kanskje ein ekstra god start for lokalt næringsliv etter eit tøft og langt pandemi-år.

Forslag til vedtak.

Kommunestyret ber administrasjonen gjere klart ei løysing for gåvekort på kroner 1000,- til alle fast tilsette i Vaksdal Kommune.

Gåvekortet kan nyttast i Vaksdal.

Gåvekorta skal delast ut til alle innan 15.juni og vera gyldige fram til 31.12.2021

Ordninga vert finansiert med overskot frå drift frå 2020

